



Plata dla Ploania Rina



Ploan: siur Klaus Sottsas: 344 1554055

E-mail: klsottsas@rolmail.net

Mone: Carlo Ferdigg: 339 2612471

E-mail: plata.ploaniarina@gmail.com

www.unitepastorala.org

Ann A		30.04.2023 - 07.05.2023		n.23
De		Ora	Mëssa	
Cuarta domènia de Pasca <i>De mondial d'oraziun por les vocaziuns religioses</i> <i>Pio V., Hildegard, Rosamunde, Bernhard</i>	30.04	8.15	Gran Mëssa por la comunité <i>a onur de S.Florian, patron di Stödafüch</i> aniv. † Lois Mellauner aniv. † Anna Promberger † Martha Mellauner † Anna Pallestrong, Prestir † Jaco Promberger † Bepo Castlunger por i nüc Franka Rungger y Marco Pizzinini Benediscium di auti, motors, rodes ... Prozescium corona (Giovanni)	
		8.30	<i>Zelebrazium dla Parora de Dî a La Pli</i>	
		10.00	<i>Zelebrazium dla Parora de Dî a Al Plan</i>	
LÖNESC <i>Sant Ojep laurant, Augustin, Arnold, Maximilian</i>	01.05	19.30	<i>s. Mëssa a La Pli</i>	
MERTESC <i>Atanase, Sigismund</i>	02.05	07.30	<i>s. Mëssa a Antermëia</i>	
MERCUI <i>FESTA dai sanc apostui Filipo y Iaco, Alexander</i>	03.05		<i>degöna Mëssa</i>	
JÖBIA <i>Florian, Guido, Valeria</i>	04.05	7.30	s. Mëssa †† Paula y Paul Vigg †† Ferdigg dl Mone † Davide Huber	
VÈNDRES <i>Max, Angelo, Iuta, Sigrid</i>	05.05	7.20	<i>s. Mëssa a Al Plan</i>	

Notizies y info por la plata: plata.ploaniarina@gmail.com de jö entro n jöbia da misdè

SABEDA <i>Antonia</i>	06.05	7.30 18.00	<i>s. Mëssa a La Pli</i> <i>s. Mëssa a Al Plan</i>
Cuinta domènia de Pasca <i>Gisela</i>	07.05	8.15 8.15 10.00	Liturgia dla Parora <i>Liturgia dla Parora a Antermeia</i> <i>s. Mëssa de San Florian a Curt</i>

INFORMAZIUNS PLOANIA

LETURS Domènia	07.05	Paolina	corona: Roland
MINISTRONC Jöbia	04.05	Anna, Florian	

Fora dla sontada dl Consëi de Cöra, stada ai 20 d'aurí 2023:

· **Crejima:** Al vën tigní na sëra d'informaziun cun Markus Felderer, direttur dl ofize por la catechesa, le vëndres 12 de ma dales 20.00 tl Salf Raiffeisen a Al Plan. Jogn y jones, che ará complí i 16 agn cina le dé dla Crejima, preodü por Pasca de Ma, ai 8 de jügn 2025, é bel enviá adöm a sü geniturs, totes y toc da tó pert. Do cösta encuntada gnarál fissé te vigne ploania na data por tó sö l'iscriziun ala preparaziun. Cösta mëss gní fata dal jonn o dala jona enstëss/a, sonza geniturs.

· **Corones de ma:** Ince eniann tignunse endô les beles corones de ma fora por les capeles de nosta ploania, dagnora de vëndres dales 17:00, ai:

- 5 de ma a Grones
- 12 de ma a Tintal
- 18 de ma a Costalungia: prozesciun tratan i dis dles crusc
- 26 de ma a Pescosta.

Sö dala capela da Runch jarunse endô da d'altonn, encër la festa de San Francësch.

· **Dis dles Crusc:** Chisc gnará endô tigníc le dédedolönesc, 16 de ma, cun la prozesciun fora al'Ancona, la jöbia, 18 de ma, cun Mëssa y prozesciun ia Costalungia y la sabeda 20 de ma cun la prozesciun y Mëssa ia La Pli.

- **Plan dles Mësses:** Siur Klaus, adöm ai presidenc dla bassa valada, s'encuntará encër mez ma por mèter endô jö le plan por le mëns de jügn y l'isté.
- **Pröma Santa Comuniun:** Por la mancianza di proi, ch'í gnun a sontí tres deplü, y por deplü cuestiuns organisatives, vára debojügn, da fá na müdaziun por ci che reverda la Pröma Santa Comuniun. Ensciö á le Consëi de Cöra tut la dezijiun, da la tigní ma plü vigne dui agn, chël ó dí, che n'ater ann, dal 2024, tomera fora y dl 2025 jará i mituns de secunda y terza classa adöm ala Pröma Santa Comuniun.
- La **Domëgna dles families**, ai 4 de jügn, ne vën eniann nia tignida sot ala forma che an ê aüsá chisc agn cun la griliada sö dal ciamp di jüc. Sambën é empó dötes les families dër bel enviades da s'endüné y tó pert ala Liturgia dla Parora, che gnará tignida en chël de.
- Le liber de dlijia nü **Laldun le Signur**, pón tres ciamó ciafé y cumpré dales domëgnes do mëssa o Liturgia dla Parora al prisc de 20 €. Al foss bel, sce al roass veramonter te vigne familia, él pö rich de cianties, oraziuns, devoziuns, ... por vigne ocajiun.
- Al é gnü fat val' müdaziuns pro le **regolamont de cortina**. Por le momont gnarál ciamó ciaé sö trëi fosses sot ala sëmëna, le cuarto defunt gnará spo motü jö ite ensom tla ligna nöa. Chi che oress lí le regolamont plü avisa, pó sambën le fá dan capela di morc, olá ch'al é motü fora.

En sabeda ai 6.05. dales 17.00 vëgnel presenté tla biblioteca "Sas dla Crusc"; a La Ila **4 libri cun stories di Fredesc Grimm**, nasciüs dala traduziun de Gabriela Frontull, che á ince realisé les ilustraziuns. La presentaziun gnará fata da Giovanni Mischí y dedô él n intervënt da pert de Carlo Suani. Bernardetta Nagler liará fora dal liber y la cornisc musicala gnará pitada da Hilda y Paul Schuen, sciöche ince da Katia Moling cun la vidora. Ala fin pice renfrësche por düc. Inviá é pici y gragn che á interes por le monn fantastich dles stories tresfora atual y che á na gran importanza por la vita di mituns. Al i acompagnëia y i dëida crësce cun plü responsabilité, ligrëza y devertimënt.

L'apoteca d'Al Plan é ai 2 y 3 de ma stlütta y spo daverta ma danmisdé cina ai 18 de ma.

L'Uniun dl Sport da Rina inviëia la domënia ai 7 de má ala partida dla **U10 dales 10.30** sö da ciamp dl sport. Te cösta ocajiun gnarál dé fora dales 9.30 enant liagnes blances, liagnes pratades, café cun kuchen y de vigne sort da bëre.

La **Musiga da Rina** á l'plajei de se envié der bel al **concert d' aisciöda** la domenia **ai 7 de ma** dales 19.00 te palestra. La direziun musicala é passada tles mans de Martin Egger y fora por la serada se condüj Jasmin Ferdigg. La uniun cumpeda ncösta ota 40 de ativité do la refondaziun tl ann 1983. Dilan a döta la popolaziun por l'sostegn finanziar chi ciafun y dilan a düc chiche se deida cun val sorvisc ia por l'ann. I se enconfortun endo de se odei tröc!"

Pelegrinaje a Roma: la Diozeja mët da jí dai 2 ai 5 d'otober en iade a Roma, por i 20 agn dla canonisaziun de sant Ojöp Freinademetz. Le iade vën acompagné da mag. Thomas Stürz. Le numer de partezipanc é limité. Le prisc é de 640,00 € a ce. Enformaziuns ciafun al ☎ 0471 306222 o ala mail pilgerbuero@bz-bx.ne

L'Uniun di ëi Val Badia KMB inviëia düc i ëi y jogn ala **prozesciun cun ciandëres o linternes**, che vignun dess se tó para, ai 13.05 dales 21.00 **da Porsenú - Vinzentinium a Neustift**. Al vëgn organisé na coriera (Longega 19.30) Prenotaziuns entro i 10.05. pro l'surastant dl paisc o pro Leo Crepaz al n.348 4096351.

Proiet sozial y ecologich - contrada verda: invit a senté l'Agns cun döta la popolaziun ai 6., 13., 20., y 27.05. dales 8.30-12.30. Info pro Giulia por WhatsApp 3475860697. Cost: al sará la poscibilité da lascé na spënora por le proiet. An po lascé timbré vigni lëgn che an senta por le barate ite cun, 1,00 € tles dites convenzionades.

*Signur, fá che le mal tl monn devëntes manco
y che le bëgn devëntes cotan plü sterch.
Fá che la ria löna se desfantes
y che la ligrëza se desleries fora.
Fá ch'i piunse do y sunse bugn da dé inant
y da ester de aiüt un por l'ater.
Fá che les incomprenjiuns se röies
y che i spauris ciafes indô ardimënt.
Fá che i amará ciafes confort
y chi che mör tüa misericordia.
Fá ch'i partiunse cun i arfamá
y ne se salvunse nia ma a nos nosc davagn.
Fá ch'i ciarunse de tüa natöra
che chi do da nos ciafes ince ciamó pastöra.
Fá regné la pesc danter la jënt
pesc tl cör - y sura döta la tera.*